



*Kamis, 01 Oktober 2020*

**Ogen: Jeremia 32:16-35**



*La Lit Si Metahat I bas Tuhan*



**P**erbahanen Kalak Juda ras Kalak Jerusalem erbanca nembah ate Dibata. Itamakenna gana-gana ku bas Rumah Pertoton, ipajekkenna batar-batar man Baal. Isembahna Baal jenari isembahna ka Dibata. Ia setia bangsa e man Dibata, e erbahansa ceda kal pusuh Dibata. Uekenna Dibata, uekenna ka gana-gana. Apai pe ikutkenna. Em dalanna merawa Dibata ras ibahan Dibata me dahin gelah kalak e jera i bas kerina kesalahenna nari. E me rencana mbelin sinibahan Dibata man kalak e.

Emaka idahi Dibata Jeremia guna erban perjanjian surat jual beli taneh si iingani kalak Juda ras Kalak Jerusalem gelah taneh ingan tadingna ikuasai Nebukadnezar guna ikerneppen. Nina Dibata man Yeremia : *"Aku kap Tuhan Dibata kerina manusia, la kap lit si metahat i bas aku."* Perbahanen Dibata e encidahken IA erkuasa nandangi doni enda. Kai pe ibahanNa. Isuruhna erbahan surat jual-beli taneh gelah taneh e tetap pagi jadi ajang kalak Israel aminna pe ia nandangi itawan Nebukadnezer. Tanehna labo banci ikuasai Nebukadnezer, amin bangsaNa pagi iangkut ku Babel. Bagem Dibata erdahin gelah bangsaNa e ngidah Kuasa Dibata ras kesetianNa man bangsaNa.

Megati kita ncidahken perbahanen si la ngena ate Dibata bas kegeluhenta tep-tep wari. La lit si metahat i bas Tuhan, e perlu si inget bas kegeluhenta. Mbelin Kuasa Dibata teridah bas kegeluhen enda. Kai pe banci ilakokenNa i bas kegeluhenta. Ula si jengkali Dibata, kerina nge tangkas man bana subuk perukuren, pengerana ras perbahantenta. Keriahen ukur kalak Juda ras kalak Jerusalem i bas majekken batar-batar ras gana-gana ndai erban sontar kegeluhenna. Lalit si metahat i bas Ia, sura-suraNa eme gelah kita ndalanken bagi si ngena ateNa. Dibata me ulu si meganjangna i bas kegeluhenta enda. Kuasa Dibata ngasup erban kai pe sendalanan ras sura-suraNa.

